

**PROGRAM SARAJEVSKOG OTVORENOG CENTRA
POVODOM 16 DANA AKTIVIZMA PROTIV RODNO ZASNOVANOG NASILJA
i 10. DECEMBRA, MEĐUNARODNOG DANA LJUDSKIH PRAVA 2016**

Tokom posljednje dvadeset i četiri godine, globalna Kampanja 16 Dana aktivizma protiv rodno zasnovanog nasilja je bila posvećena javnom zalaganju i koordiniranju rada na podršci zaustavljanju rodno zasnovanog nasilja na lokalnom i međunarodnom nivou. Kampanja je pokrenuta na prvom Institutu za globalno liderstvo žena, koji je organizovao Centar za globalno liderstvo žena 1991. godine na Univerzitetu Rutgers.

Datumi, 25. novembar (Međunarodni dan borbe protiv nasilja nad ženama) i 10. decembar (Dan ljudskih prava), su odabrani kako bi se naglasila povezanost između zaustavljanja rodno zasnovanog nasilja i vrijednosti ljudskih prava, i istaknuto je da rodno zasnovano nasilje predstavlja međunarodno kršenje ljudskih prava. Ovaj šesnaestodnevni period takođe ističe druge značajne datume, uključujući 29. novembar, Međunarodni dan braniteljica ljudskih prava, 1. decembar, Svjetski dan borbe protiv AIDS-a, 6. decembar, Dan obilježavanja montrealskog masakra.

U Kampanji 16 dana aktivizma učestvuju pojedinke i pojedinci i grupe širom svijeta, i koriste okvir ljudskih prava u zalaganju za uklanjanje svih oblika nasilja protiv žena kroz aktivnosti podizanja svijesti na lokalnom, državnom, regionalnom i međunarodnom nivou.

Sarajevski otvoreni centar, kao organizacija koja zagovara puno poštivanje ljudskih prava i društvenu inkluziju LGBTI (lezbejki, gej, biseksualnih, trans* i interspolnih) osoba i žena, pridružuje se ovoj kampanji, te će realizovati niz aktivnosti u novembru i decembru 2016. godine.

Uključite se i Vi u kampanju 16 dana aktivizma!

Koristite #16Days kada tvitate ili postavljate sadržaj na društvene mreže.

www.soc.ba - office@soc.ba - tel: 033 551 000 - fax: 033 551 002

Kad?	Šta?	Gdje?	Kontakt osoba:
28.11.2016. 13:00 sati	<p>IZLOŽBA Poezija i Muzej Razije Handžić: konfiskacija pamćenja i sistematsko zanemarivanje ženskog doprinosa kulturi, nauci i institucijama</p> <p>Razija Handžić je bila pjesnikinja i publicistkinja, urednica prvog i drugog broja časopisa AFŽ-a za BiH, osnivačica i prva direktorica Muzeja književnosti i pozorišne umjetnosti BiH. Handžić je svojim radom posvjedočila mnogim promjenama u društvu, prevlastima i smjenama ideologija, moći i znanja, i njihovom odnosu prema ženama i ženskom doprinosu institucija kulture. Doprinos ove izložbe ogleda se u afirmiranju bh. ženskog kulturnog stvaralaštva. Izložba je i način da se ukaže na sistematsko zanemarivanje žena i njihovog doprinosa bh. društvu i institucijama kulture i nauke.</p> <p><i>Događaj organizuje Muzej književnosti i pozorišne umjetnosti u saradnji sa Sarajevskim otvorenim centrom (uz finansijsku podršku Švedske agencije za međunarodni razvoj i saradnju) i Transkulturnom psihosocijalnom obrazovnom fondacijom.</i></p>	<p>Sarajevo Muzej književnosti i pozorišne umjetnosti BiH</p> <p>Sime Milutinovića Sarajlije 7</p> <p>Ulaz na događaj je besplatan, dođite na vrijeme da zauzmete svoje mjesto.</p>	<p>Maida Zagorac maida@soc.ba 033/551-000</p>
30.11.2016. 12:00 sati	<p>PREDAVANJE I RAZGOVOR IV ciklus feminističkih predavanja i razgovora <i>Neko je rekao feminizam?</i> SEKSUALNO I REPRODUKTIVNO ZDRAVLJE</p> <p>Tema posljednjeg predavanja u okviru četvrtog ciklusa <i>Neko je rekao feminizam?</i> vezana je za političku,</p>	<p>Sarajevo Muzej književnosti i pozorišne umjetnosti BiH</p> <p>Sime Milutinovića Sarajlije 7</p> <p>Ulaz na događaj je besplatan, dođite na</p>	<p>Jasmina Čaušević jasmina@soc.ba 033/551-000</p>

	<p>sociološku i medicinsku dimenziju seksualnog i reproduktivnog zdravlja žena. Biće riječi o tome zašto je seksualno zdravlje žena važno biopolitičko pitanje i šta se zapravo kontrolira pravnim normativima i praksama. Predavačica je Meliha Lekić.</p> <p><i>Predavanje organizuju Sarajevski otvoreni centar i Fondacija Friedrich Ebert u Bosni i Hercegovini.</i></p>	<p>vrijeme da zauzmete svoje mjesto.</p> <p>Predavanje je na B/H/S jeziku.</p>	
1-2.12.2016.	<p>TRENING o pravima LGBTI osoba za predstavnice_ke Koordinacionog odbora Republike Srpske za praćenje provedbe GAP BiH za period 2013-2017.</p> <p>Kako pretočiti pitanje unapređenja ljudskih prava LGBTI osoba u konkretne mjere koje vlade i relevantna ministarstva trebaju provoditi u svom radu? Kroz dvodnevni trening razložen na sesije senzibilizacije, upućivanja na uzroke problema nasilja i diskriminacije na osnovu seksualne orijentacije, rodnog identiteta i spolnih karakteristika, predstavljanje međunarodnog i lokalnog normativnog/političkog okvira, te dobre prakse institucija iz regije, zajednički tražimo načine institucionalnog poboljšanja koji treba rezultirati boljim kvalitetom života LGBTI osoba u Republici Srpskoj.</p> <p><i>Ovu aktivnost podržava Fond otvoreno društvo u BiH.</i></p>	<p>Teslić Hotel Kardial</p> <p>*Učešće na treningu je ograničeno na predstavnice_ke Koordinacionog odbora Republike Srpske za praćenje provedbe GAP BiH.</p>	<p>Lejla Huremović lejla@soc.ba 033/551-000</p>
5.12.2016. 11:00 sati	<p>OKRUGLI STO: Ka ostvarivanju ravnopravnosti polova u kantonima Federacije BiH</p>	<p>Sarajevo Hotel Bosnia Kulovića 9</p>	<p>Maida Zagorac maida@soc.ba 033/551-000</p>

	<p>Zakon o ravnopravnosti spolova nam daje najjače uporište, ali i obavezu za djelovanje u oblasti ravnopravnosti spolova. <i>Vodič: Ka ostvarivanju ravnopravnosti spolova u kantonima Federacije Bosne i Hercegovine</i>, autora Saše Savičića, obuhvata pregled: a) pravnih okvira za ostvarivanje ravnopravnosti spolova u BiH, b) postojećih mehanizama za ostvarivanje ravnopravnosti spolova u BiH, c) različite prijedloge za uspostavljanje insitucionalnih mehanizama za ravnopravnost spolova na nivou kantona.</p> <p>Dođite na prezentaciju vodiča koju će pratiti diskusija predstavnica_ka institucija, organizacija civilnog društva, političkih stranka, te pojedinaca_ki koje se bave rodnom ravnopravnošću.</p> <p><i>Događaj organizuju Sarajevski otvoreni centar i Fondacija Friedrich Ebert u Bosni i Hercegovini.</i></p>	<p>Učešće na okruglom stolu je moguće uz prethodnu najavu na e-mail maida@soc.ba.</p> <p>Događaj je na B/H/S jeziku.</p>	
<p>08.12.2016. 18:00 sati</p>	<p>PROMOCIJA ZBORNIKA <i>Feministička čitanja društvenih fenomena. Radovi polaznica Feminističke škole Žarana Papić, drugo dopunjeno izdanje</i></p> <p>Povodom svjetske kampanje koja se obilježava u preko 100 država svijeta – 16 dana aktivizma protiv nasilja nad ženama – Opća biblioteka u Brezi i Sarajevski otvoreni centar vas pozivaju na feminističke razgovore o povezanosti ne/obrazovanja i simboličkog nasilja. Koristimo ovu priliku da otvorimo i pitanje feminističkog obrazovanja u Bosni i Hercegovini, kroz promociju knjige koju su napisale polaznice/i Feminističke škole Žarana Papić.</p>	<p>Breza J.U. Opća biblioteka “Muhamed Kantardžić” Alije Izetbegovića 112</p>	<p>Jasmina Čaušević jasmina@soc.ba 033/551-000</p>

	<i>Ovu aktivnost podržava Švedska agencija za međunarodni razvoj i saradnju.</i>		
10.12.2016. 12:00 sati	<p>AKCIJA Marš povodom Međunarodnog dana ljudskih prava: LJUDSKA PRAVA VANI!</p> <p>10. decembra obilježava se Međunarodni dan ljudskih prava. To je dan kada je potpisana Opća deklaracija o ljudskim pravima 1948. i kada je po prvi put u povijesti čovječanstva priznato pravo svih ljudi na "život, slobodu i sigurnost... bez ikakvih razlika". Sarajevski otvoreni centar sa drugim udruženjima, aktivistima_cama u BiH organizuje marš pod nazivom „Ljudska prava vani“ sa ciljem da ovaj bitni dan svi_e zajedno iskoristimo da podsjetimo na svakodnevna kršenja ljudskih prava u BiH, te istaknemo što više konkretnih zahtjeva kojima bi se unaprijedilo stanje ljudskih prava i položaj marginaliziranih grupa u BiH. Marš se organizuje u dva grada BiH, Sarajevu i Banjaluci, a učesnici_e oba marša će nositi iste poruke, kojim će pozvati na prestanak sistemskog kršenja ljudskih prava u BiH.</p> <p><i>Ovu aktivnost podržava Švedska agencija za međunarodni razvoj i saradnju.</i></p>	<p>Sarajevo i Banja Luka</p> <p>Događaj je javan, svi_e ste pozvani_e. Dođite i dignite svoj glas protiv sistemskog kršenja ljudskih prava u BiH!</p>	<p>Vladana Vasić vladana@soc.ba 033/551-000</p>